

hotel men t<sup>h</sup>ehrñā

- musāfir: janāb, kyā āp ke hotel men muj<sup>h</sup>e ek kamrah mile gā?
- `amlah: jī hāñ, mile gā. āp ko c<sup>h</sup>otā kamrah cāhiye yā barā kamrah cāhiye?
- musāfir: janāb, muj<sup>h</sup>e c<sup>h</sup>otā kamrah cāhiye.
- `amlah: kyā āp ko kamrah e sī ke sāt<sup>h</sup> cāhiye?
- musāfir: jī hāñ. muj<sup>h</sup>e e sī ke sāt<sup>h</sup> cāhiye aur acc<sup>h</sup>ā kamrah cāhiye.
- `amlah: āp kitne din ke liye kamrah len gī?
- musāfir: janāb, muj<sup>h</sup>e cār din ke liye kamrah cāhiye.
- `amlah: t<sup>h</sup>īk hai. āp ko kamrah mil jāe gā.
- musāfir: is kā kirāyah kitnā ho gā?
- `amlah: muhtarmah, ek din kā kirāyah 15 sau rupaye ho gā.
- musāfir: janāb, ye to mahingā hai. maiñ to tālib-e `ilm hūñ aur yahāñ šahr dek<sup>h</sup>ne aur g<sup>h</sup>ūmne p<sup>h</sup>irne ke liye āī hūñ.
- `amlah: lekin muhtarmah, kamrah bahut acc<sup>h</sup>ā hai aur ye hotel b<sup>h</sup>ī bahut acc<sup>h</sup>ī jagah hai. ye kirāyah zyādah nahīñ hai.
- musāfir: janāb, maiñ to itnā zyādah kirāyah nahīñ de saktī. kyā āp kirāyah kam nahīñ kar sakte?
- `amlah: muhtarmah, kirāyah muqarrar hai. lekin t<sup>h</sup>īk hai. āp tālib-e `ilm haiñ to āp ek din kā kirāyah 12 sau rupaye de dījiye.
- musāfir: kyā is kirāye men nāstah šāmil hai?
- `amlah: jī hāñ. is kirāye men subah kā nāstah šāmil hai aur kamre men e sī aur tīvī b<sup>h</sup>ī maujūd haiñ.
- musāfir: to muj<sup>h</sup>e āp kamrah de dījiye.
- `amlah: jī bahut šukriyah. maiñ ab<sup>h</sup>ī kamrah detā hūñ. āp ye fārm b<sup>h</sup>ar dījiye.

musāfir: kyā muj<sup>h</sup>e kirāyah pešgī denā pare gā?  
`amlah: jī nahīn. āp kuc<sup>h</sup> rupaye pešgī de dījiye aur bāqī kamrah c<sup>h</sup>orṭe waqt dījiye.

musāfir: helo. kyā āp rūm sarvis se bol rahe hain?  
`amlah: jī hān. ham kyā xidmat kar sakte hain?  
musāfir: janāb, maiṇ kamrah nambar 103 se bol rahī hūn. maiṇ ne ye kamrah ab<sup>h</sup>ī ab<sup>h</sup>ī liyā hai, is men tīvī kā rīmorṭ nahīn hai. muj<sup>h</sup>e rīmorṭ cāhiye.  
`amlah: ṭ<sup>h</sup>īk hai, muhtarkah. maiṇ ab<sup>h</sup>ī rīmorṭ pahuncātā hūn.  
musāfir: aur janāb, muj<sup>h</sup>e e sī calāne kā tarīqah b<sup>h</sup>ī nahīn ma`lūm. āp ā kar e sī calā dījiye.  
`amlah: jī, muhtarmah. maiṇ ab<sup>h</sup>ī ā kar āp ko sab sik<sup>h</sup>ā detā hūn.

musāfir: janāb, bahut bahut sukriyah. āp ne rīmorṭ pahuncā diyā aur e sī calānā b<sup>h</sup>ī sik<sup>h</sup>ā diyā. magar ye dek<sup>h</sup>iyē. yahān kā bijlī kā balb nahīn jal rahā hai.  
`amlah: oh, šāyat balb xarāb ho gayā hai. maiṇ ab<sup>h</sup>ī use badal detā hūn.  
musāfir: aur dek<sup>h</sup>iyē. ġusl xāne men garm pānī nahīn ā rahā hai. muj<sup>h</sup>e garm pānī cāhiye.  
`amlah: muhtarmah, āp kuc<sup>h</sup> der garm pānī kā nal k<sup>h</sup>ulā rak<sup>h</sup>iyē aur pānī bahne dījiye. jaldī garm pānī ā jāe gā.  
musāfir: ṭ<sup>h</sup>īk hai. maiṇ aisā hī karūn gī. āp kā bahut bahut šukriyah.  
`amlah: šukriyah kī koī bāt nahīn. ye hamārā kām hai.